

9 Ívarssonar. Stjórn sjóðsins gengur að öðru leyti frá samningum við þessa ríkis-  
9. febr. stofnun, um nánari tilhögun deildarinnar og val mynda.

## 4. gr.

Myndakaup skal hefja, þegar stjórn sjóðsins telur það tímabært, og skulu þau gerð á þann hátt, er stjórnin telur tryggilegastan frá listrænu sjónarmiði.

## 5. gr.

Höfuðstól sjóðsins má aldrei skerða, né heldur nota meir en  $\frac{4}{5}$  hluta af vöxtum hans. Hinn hluti vaxtanna, svo og aðrar tekjur, skulu lagðar við höfuðstólinn.

## 6. gr.

Stjórn sjóðsins skal skipuð þrem mönnum og tilnefnið Menntamálaráð einn mann, Félag íslenzkra myndlistarmanna annan og Vélsmiðjan Héðinn hinn þriðja, og skal stjórn skipuð til þriggja ára frá 1. marz að telja. Falli tilnefning niður af hálfu einhvers hinna þriggja aðila, skipar menntamálaráðherra mann í staðinn, án tilnefningar.

Fyrsta stjórnin skal kosin á stofnfundi 10. febrúar 1944, og starfar hún til 1. marz 1947.

## 7. gr.

Stjórn sjóðsins ber að halda gerðabók fyrir sjóðinn, færa í hana skipulagsskrána, samþykktir og skýrslur um málverkakaup og annað, sem varðar hag og rekstur sjóðsins.

## 8. gr.

Reikningsár sjóðsins er almanaksárið. Fyrir lok janúarmánaðar ár hvert, skal stjórnin hafa samið reikning hans fyrir síðastliðið ár, og skal reikningurinn síðan endurskoðaður af löggiltum endurskoðanda, er sjóðstjórnin velur. Reikninga skal birta í Lögbirtingablaðinu.

## 9. gr.

Sjóðurinn veitir gjöfum og áheitum viðtöku.

## 10. gr.

Sjóðurinn tekur til starfa nú þegar.

## 11. gr.

Leita skal staðfestingar ríkisstjóra á skipulagsskrá þessari og óskast hún birt í B-deild Stjórnartíðinda.

10

**REGLUGERÐ**

12. febr.

um breyting á reglugerð nr. 132 28. des. 1936, um próf fyrir bifreiðarstjóra.

## 1. gr.

12. gr. 2, d-liður, orðist þannig:

Nemandi hafi óflekkað mannorð og leggi fram vottorð sakadómarans í Reykjavík um, að hann hafi ekki á undanfórnum 12 mánuðum verið sviptur ökuskírteini, né gerzt brotlegur við ákvæði um neyzlu eða meðferð áfengra drykkja.

## 2. gr.

16. gr. Ný málsgrein bætist inn á eftir annari málsgrein og orðist þannig: Þeir, sem lokið hafa sveinsprófi í bifvélavirkjun, skulu undanþegnir prófi í þeim atriðum, er greinir í a- og b-liðum 18. gr.

Reglugerð þessi staðfestist hér með samkvæmt bifreiðalögum, nr. 23 16. júní 1941, og öðlast þegar gildi.

*Í dómsmálaráðuneytinu, 12. febrúar 1944.*

**Einar Arnórsson.**

*Gústav A. Jónasson.*

10

12. febr.

## REGLUGERÐ

fyrir læknisvitjanasjóð Þingvallahrepps í Árnessýslu.

11

15. febr.

## 1. gr.

Sjóðurinn heitir Læknisvitjanasjóður Þingvallahrepps í Álafosslæknishéraði, og er stofnaður samkvæmt lögum nr. 59 4. júlí 1942, um læknisvitjanasjóði.

## 2. gr.

Markmið sjóðsins er að styrkja til læknisvitjana íbúa Þingvallahrepps eða auðvelda þeim lækniþjónunina á annan hátt, svo og að létta hreppsbúum aðrar sjúkdómsbyrðar og hlynnu að heilbrigðismálum hreppsins yfirleitt.

## 3. gr.

Í stjórn sjóðsins eru hreppstjórinn í Þingvallahreppi, og tveir menn aðrir, kosnir af hreppsnefnd. Hreppstjórinn er formaður sjóðstjórnarinnar, og jafnframt reikn-ingshaldari og gjaldkeri sjóðsins.

## 4. gr.

Tekjur sjóðsins eru:

1. tillag ríkissjóðs, er nemur á ári 2 kr. á hvern íbúa Þingvallahrepps;
2. tillag hreppsins, er nemur á ári 1 kr. á hvern hreppsbúa;
3. áheit og aðrar gjafir, er sjóðnum kunna að áskotnast;
4. læknisvitjanastyrkur, sem veittur er eða veittur kann að verða.

## 5. gr.

Að liðnu hverju almanaksári og fyrir lok janúarmánaðar næsta ár úthlutar sjóðstjórnin styrkjum úr sjóðnum, að fengnum umsóknum þeirra, er styrks æskja. Umsækjendur senda umsóknir sínar ásamt skilríkjum til formanns sjóðstjórnarinnar.

## 6. gr.

Tillag ríkissjóðs, samkv. 1. tölulið 4. gr., ásamt tilskildu þriðjungsframlagi á móti (sbr. 1. gr. laga nr. 59 4. júlí 1942, um læknisvitjanasjóði), svo og læknisvitjana-styrk hreppsins samkv. 4. tölulið 4. gr., má aðeins verja til styrktar hreppsbúum, vegna kostnaðar af læknisvitjunum. Hreppsbúar njóta að jafnaði læknisvitjana-styrkja úr sjóðnum í hlutfalli við kostnað þeirra af læknisvitjunum á árinu. Þó geta þeir ekki væntzt slíkra styrkja, sem ekki hafa orðið fyrir meiri kostnaði en svo, að